

鎮安縣鄉土志

即黑山縣

地 410.75 河
539.1 北
高田

2873

あの子



鎮安縣鄉土志

謹遵

諭旨按條目編訂地方鄉土志雖多簡略之處蓋因邑當初立文獻無徵不敢稍涉鋪張茲將攷據確實者分類書之於下

歷史

鎮邑原名小黑山為兩京通衢之鉅鎮也歷代建置於古無徵謹按盛京通志參以遼金元明諸史稍取證據以志其沿革之大略

唐 屬冀州

虞 屬幽州

夏商 並屬冀州

鎮安縣鄉土志

周 屬幽州後屬燕

秦 屬遼西郡統於遼東

晉 屬元菟郡

隋 屬高麗

唐 屬渤海為顯德府

宋 屬幽州

遼 屬顯州

金 屬廣寧府

元 屬廣寧路

明 屬廣寧衛

本朝 屬廣寧縣

按此縣東連新民府北界蒙古地面遼闊夙為盜賊



之逋逃藪嗣因庚子之亂土匪游勇糾集爲患民不
聊生光緒二十八年經前任
盛京將軍增奉天府尹廷奏准於小黑山鎮添設鎮安
縣遂劃新廣兩界附近地方併歸治理撥隸新民府
管轄

政績錄

吳瞻莪字芸士安徽人副貢生初授復州牧光緒二十八年夏奉委試辦縣治先是境多盜賊搶掠無虛日公率數騎入境甫就館群賊湧至勢將不馴公挺身出責以大義衆皆俯首攝服投誠民始得安治未數月奉調回省邑人至今感之

馬祚愷字月軒安徽人光緒二十八年奉委接辦縣治下車後因境多伏莽倡修土城一道藉資守禦明年奉文建修縣署及典史署各一所三十一年冬卸事按鎮邑設官凡歷四任茲擇其於地方確有裨益爲士民所稱述者特舉一二以順輿情

人類

鎮安居民除旗漢戶外並無番苗猺黎土司等族惟回種居多考其源流詢之該族自云於唐之貞觀二
年有阿喇伯人噶心者入處中華爲後世回回隸中
之始凡在本境回民多由山東直隸兩省於

國朝康熙乾隆間遷居至此其先僅十數戶嗣後來者
多現有四百一十三戶居本城者六十餘戶餘則散
居四鄉而以縣屬之大新立屯姜家屯回回屯富家
莊半拉門各處生齒爲最繁察其性情習慣飲食節
制與漢人稍有區別惟質勇壯男女貧富一心所至
輒相親愛亦不無可取云

政績錄

鎮安縣鄉土志

四

吳瞻莪字芸士

宗教

天主教三百八十五人

耶穌教二百四十一人

回教無 謹遵例目指旗漢人入回教者而言喇嘛教無

按外教流行中國由來已久本境居民除崇我中教外向無奉回教及喇嘛教者外此者有天主耶穌兩教錄之以見民風之所趨非僅紀其數已也

實業

士一千五百一十九人

農八萬四千七百五十二人

工一千一百一十四人

商二千一百二十一人

按鎮邑民風質樸務農者多士次之工商兩界足以爭勝一時者蓋鮮惟俗尙勤各安本業有足嘉焉茲將各項人數分類書之以紀其實

戶口

旗戶

男 一萬九千九百四十丁

女 一萬六千三百一十四口

漢戶

男 十一萬三千八百七十五丁

女 十萬零三千六百五十三口

本境自經變亂民多流亡幸年來兩陽時若災疫未興戶口漸臻繁盛現據最近編查丁口數目分別開列富庶之望用卜將來

氏族

孔氏至聖裔康熙間由山東遷居本境今傳八世矣
現住縣北孔家屯繁衍百餘戶

孟氏氏亞聖裔康熙間由山東鄒邑一再遷居本境相
傳七世現住縣東姜家屯鎮繁衍數十戶

趙氏系出顯帝伯益之後自造父事穆王以功封趙
城子孫因以爲氏本境趙氏世居朝北營子原籍係
直隸順天府人

國初有名應起者因明末避兵遷居本境投隸漢軍正
黃旗今傳十一世矣後代多蒞顯宦共推爲一鄉之
望云

郭氏系出大周南史郭公之後興於漢之郭嘉至唐

汾陽而始盛明永樂間有以武功賜山海衛世職者
即其先世也其後人散居直隸永平府支派甚繁有
名士玉者由

國初遷居本境朝北營子宗族繁衍世代書香今傳七
世矣

王氏本籍太原郡系出周靈王太子晉之後先世居
永平府灤州秀城世有顯達其後人有名禰者於

國朝康熙間遷居本境今傳七世宗族近百人洵爲本
邑世家也

按鎮邑土著大姓無多茲據訪有世居本境支派蕃
昌邑之人咸稱爲望族者故攷因其譜系據實書之

兵事錄

同治四年直隸人才寶善塞外人馬傻子劉珠王達等盤踞塞外三座塔一帶勾聚叛黨數千作亂八月初八日突犯鎮街殺掠無算由是西之廣甯攻城三日未克而去旋被大軍圍困在羅家台屯該叛乃解散脅從詭謀脫逃後被偵獲正法

光緒十七年熱河朝陽縣屬黑城子賈姓道人以邪說惑衆揭竿起事裹脅不下千人擾害蒙古慘不可言突於十月間竄入縣屬朝北營子聲言南下意圖大舉幸賴奉軍東來迎頭痛勦殺戮過半餘匪盡逐出邊本境由是以安

甲午夏中東構釁蔓延新廣兩界淮湘直毅各軍奉

檄東征絡繹不絕鎮邑介新廣之間必經之路商民多遷居避之事平人心始安旋歸故里

庚子之變俄軍入境踞鎮街東以胡家窩棚爲門戶北以大新立屯大荒山子爲藩籬西以羊腸河渡口爲偵探所必至南以大虎山山麓爲伏兵而暗訪據險扼要聲勢頗張洎奉吉各帥率師東來亦扼要防堵所統偏裨諸將雖四外散伏皆以本境爲樞紐相持數月議和後始各退兵本境由是以安

辛丑壬寅兩歲俄兵未退伏莽潛滋內外交訌縣境大震賴有李軍洪亮屯駐境南一帶彈壓地面聯絡官紳依軍巧屯駐大新立屯鎮維持北邊獨當一面與四路鄉團互相牽制以爲犄角之勢用是民有所

恃境賴以安至日俄起事日弁在境招募忠義軍不下數千人駐紮邊塞各鎮蜂屯虎視狡焉思逞民甚危之厥後兩國告和本境始獲安堵焉

耆舊錄

王錫錄字恩九本鎮人乾隆壬子科舉人任安州學正秉性端直爲諸生時卽以維持一方爲已任乾隆三十三年創立本鎮集市商民貿易稱便時居民因本境牧廠屢起爭訟公身爲排解以息其爭端並立定四至界石至今民得牧養取土者皆感激王公之德云

杜芳春直隸灤州人道光年遷居鎮街與同鄉賈朝陽至契合力經商數十年無一爭競言一時皆稱有管鮑風其族弟景春自籍來鎮芳春見之喜與同居並爲授室相處如同胞臨終囑其子曰吾沒後倘欲析居家貲須與汝叔均之勿薄視也厥後其子增生

實田果如父命分資至鉅萬無吝色至今人猶稱羨不已又其生前好施鄉里有求輒應光緒初年饑粟騰貴嘗減價出糶鰥寡廢疾窮而無告者尤矜憐周恤之其好義不遑枚舉大都類此

劉學雅原籍天津靜海望族因貧遷居本境性剛直慷慨喜濟人急鄉鄰有爭鬥者挺身排解之家雖貧遇危困事力爲担任嘗補之人咸頌其德而敬其義厥後其子蔭桂領鄉薦人皆以爲德報云

韓大勇字虎臣本鎮人附貢生性忠直敦友誼其弟大啓字錫侯性磊落尙氣節處昆仲間同志同懷雅相敦睦邑人皆稱爲難兄難弟有聲譽序間

王治成字雲閣本鎮人道光丁酉科拔貢已亥考取

漢教習性聰穎精詩古字學曾任山西稷山臨汾等縣政聲卓著以廉介聞年老乞歸卒於家

劉保泰本鎮人母早逝事繼母至孝母沒廬墓三年縣令馬公作愷上陳其孝得邀

旌表庚子亂後獨力創立宣講堂一所晝夜登堂演說弗倦又常在街頭巷口持善書宣講其宗旨以勸善懲惡爲歸宿又於講堂側設一行旅寄宿舍凡行人無資斧者施粥捨飯不取分文故人咸稱爲劉善人云

張震字兩辰富家莊人品性端方好學爲儒林望鄉試中經魁曾膺省垣萃升書院主講與諸生講學孜孜不倦尋卒其生平道義有足風焉

劉玉田字潤之高山子人舉明經以學行著鄉試五薦未售數十年講學閭左儒林名士多出其門雖鄉里中之婦人孺子無不知其爲老道學云

劉春煊字東閣鎮南齊家窩棚人奉天名下士也少領鄉薦其爲學以博古爲宗旨精研天文輿地測量算術兵法諸學皆近日之科學也所交多名士有關東才子之稱晚年遯跡閭山桑麻詩酒得山林佳趣有逸士風焉

李逢辰廣甯諸生尖山子人同族近百人率相敦睦家法秩然尤爲樂人息爭訟品性端潔爲鄉里所矜式卒年八十餘士林共悼之

韓鳳貽大新立屯人性至孝母趙氏患病數十年日

侍湯藥刻不忍離左右家雖貧必百計以求甘旨奉事之父母卒哀痛幾絕後事繼母朝夕兩餐必親自進獻雖有諸孫弗用之其承歡養志四十餘年如一日光緒三十三年

旌表

成善字葆岩鎮北朝北營子人性端直由進士授工部員外郎初知安徽鳳陽府官數十年有清操不妄受一錢致仕後卒於家其子錫晉廣西知府次子錫桐現任陝西布政司人以為成善潔已愛民之報云蕭連奎漢軍廂紅旗人住顧家屯咸豐三年以披甲從征陣亡受害甚慘嗣經上官奏聞准予雲騎尉世職

侯自福漢軍鑲白旗人披甲同治四年叛逆馬傻子黨衆千餘圍攻鎮街佐領白榮陞率制兵百人分頭巷戰力竭被戕自福與鑲白旗披甲依明阿痛其長官遇害直犯賊圍力竭身死而自福為尤慘後經准聞准予白榮陞以騎都尉世職侯依皆以雲騎尉世職節婦附

吳氏郭廷奎妻年十七于歸未三載而寡或勸改醮矢志不從事翁姑至孝以侄為嗣守節五十一年卒六十八歲道光九年

旌表

王氏按察司昭磨賈琫妻道光十二年于歸二十四年琫故氏年二十九歲事翁姑撫幼子孝慈兼盡卒

年六十一歲守節三十二年光緒二年

旌表入節婦祠

李氏張文妻適張三載而寡時二十一歲家貧矢志無他事翁姑以孝聞生養死葬氏皆獨力支持現年七十二光緒十四年

旌表

張氏魏閻峯妻十七歲于歸二十九而寡事翁姑以孝聞教子有方現年七十二守節四十三年光緒三十三年

旌表

曹氏郭文藻妻十七歲于歸一載即寡矢志不再醮夫弟文翰尙幼氏以紡績佐其讀書成立現年五十

鎮安縣鄉土志

十四

七守節四十年光緒三十三年經御史朱顯廷奏請

旌表

任氏庠生周仁爵妻夫病故他鄉氏携子扶柩歸葬其子旋亡遺有襁褓之孫撫養成人現年六十六守節三十七年夫弟錫爵妻許氏生二子不數年而寡氏矢靡他年六十四歲守節三十五年光緒三十二年閩邑爲之同請

旌表

地理

鎮安縣治在奉天省城正西二百七十里新民府正西一百五十里

縣境四正各界

東界繞陽河迤東係新民府境

西界羊腸河迤西係廣寧縣境

南界胡家甸迤南係盤山廳境

北界大新立屯鎮迤北係熱河阜新縣境

東南界傅家莊迤南係海城縣境

西南界二道溝迤西南係盤山廳境

東北界小三家子分防屬之鳴子場迤東北係新民府境

西北界白土廠門迤北係熱河阜新縣境

本境分爲三十四區城內設總局一城外設分局四小三家子分防縣丞署內設分局一以便分轄各區互相保護茲將所分各局區並在城之方向里數暨各局區之四界分晰列左

城內總局一處共轄二區

總局第一區大黑山在城南二十里

查此志所載各局區與石印輿圖暨調查員所填各表閒有差異處蓋此稿繕呈在先而局區所在時有變更迄未劃一故未能適相符合俟將各局區界劃定此稿自當另行更正以昭核實而免歧異此記

南界西南路第二區老泡子

北界縣城

總局第二區下灣子在城東南十里

本區四界

東界東南路第二區安家河

西界縣城

南界西南路第二區老泡子

北界東北路第一區胡家窩棚鎮

東南路第一分局姜家屯共轄四區在城正東六十

里本局處四界

東界新民府境

西界東南路第二區安家河

南界東南路第一區楊家窩棚

北界東北路第三區半拉門

東南路第一區楊家窩棚在城東六十里

本區四界

東界新民府境

西界西南路第三區桑林子鎮

南界西南路桑林子鎮

北界東南路第二區安家河

東南路第二區安家河在城正東三十里

本區四界

東界東南路分局姜家屯

西界總局第二區下灣子

南界東南路第一區楊家窩棚